

# LINZWI LA MULIMU MWA MAZAZI A MAUNGULO A



Kaniti ki lithonolo fa ku kutaha mwahala sicaba se sama Spanish hape kakusasana cwana. Mi ha Ni zibi haiba Jim wa utwa se. Oh, usweli kunga manzwi aku rekoda. Ni sa nani zene rekodilwe zeo sikwata sa baopeli sesinyinyani sa Spanish nesiopezi fani hane Nili kwanu ni Muzwale Garcia. Mi Ni libezi pina yenyinyani yani yene bani opelelanga. Kono, oh, kamo ne Ni latela zani! Mi bana bani kaufela cwale ba hulile mi banyezwi. Na utwanga kubona ka nako ni nako. Mi ne Nikena mwahali kakusasana wo ni kubona Joseph yomunyinyani, mi cwale siezize sesiñwi kuna, mi ne Nili ya tabile hahulu fa ku mubona.

<sup>2</sup> Mi, cwale, Ni nani linzwi lililñwi le Nikona kubulela mwa Spanish. Kana mutabela ku li utwa? “Haleluya!” Hanina ku libala linzwi lani. Ne ni lika ku eza musali wa shushu kuni utwa zazi leliñwi. Cwale, Ni kona kubulela se ka kufosa, mwa bona, kono kabunde mo ne Ni zibela neli kuli “oiga.” Ki niti yeo? *Aku* niutwe. *Ku utwa*, “oiga.” Mi cwale musike mwa libala, “Gloria a Dios!” Kibunde feela! Oh, Ne ni nani kolo ya kuba mwa muleneñi, Mexico City, ku ambola nibona kwani. Kamo ne Ni bezi ya tabile! Mi ne Ni nani ku . . .

<sup>3</sup> Ne nili mwa Finland hasamulaho hane Nili kwani. Mi kamita lini hupulisanga hane ni ambola ku musali nyana wamu Finnish. Bani isa kwa sibaka kone babiza kuli “betania.” Naha kaufela ina ni mihupulo yayona. (Ni, kana muutwa lilata leliñata, Ni sutelezi hahulu ku sani? Kana mwa utwa hande, ku cwañi foo?) Musali yomunyinyani yo, nali mutu ya lateha yomunyinyani. Kono naswana sina na, naabela kubulela hahulu. Mi mutoloki . . . wamusali na bulela kapili luli, mi—mi mutoloki na sa buleli kapili luli ka mwa nabatela kuli abulele. Mi nayema ni sifateho sa hae nesi fubela, mi ali, “Ni nani bona micaha kwani kwa Babilona.”

<sup>4</sup> Kono, mwa ziba, Ni lemuhile kuli kaufela li—li nyunywani kaufela liopelanga mwa Sikuwa, linja lihuhulanga mwa Sikuwa, limbututu li lilanga mwa Sikuwa. Ni komoka kuli ki butata mañi bobuli ni luna nihakulicwalo. Kono mutu ni mutu wa luna unahana kuli mushobo wa—wa luna ukaba mushobo wa Mileniamu, kaniti faa. Kono luna ba ba amuhezi Moya o Kenile, yani ki niti, kakuli luna ni mushobo wa Lihalimu.

<sup>5</sup> Luna ni Muzwale Rowe ni luna mo kakusasana cwana, caziba wa tuto yazwa kwa Washington. Na lumela ubelekile mwatasa Batompehi ba ketalizoho kamba babasilezi, Batompehi

basupile. Mi mwa ziba mo Ni ikutwela kuyema fa, ili ona fa katala fa, kubulela, ni muuna yacwalo inza inzi mwa mulaho waka. Kono bupaki bwa hae kamita neli bobu ipitezi luli kuna, mi sihulu ha na . . . Na lulumela kuli neli wa Lutheran, haiba ha Ni sika libala, ikana yaba Katolika kamba Lutheran, Lutheran. Mi naize kuli uka . . . sesiñwi ka kuhohoba mwatasa tende mwa mukopano waba Pentekota, mi kiha yema . . . Mafelelezo a yema kuya kwa katala, mi, hana ezize cwalo, Mulena ataha ona fani nikuto mufuyola hahulu kuli . . . Na sepa ukona ku bulela ka mishobo ye supile yeshutana. Mi ali nalikile ulimuñwi, “no sika beleka,” mi hape alika omuñwi, “no sika beleka.” Mi Ni ziba kuli wakona ku bulela si Spanish mukwa oswana sina mina kaufela mo mukona ku bulelela. Kacwalo kiha—kiha lika kaufela yona, mi ne isika beleka. Mi, mwabona, mwaziba kana, Mulimu neli yomunde hahulu, Natilo shetumuka ni ku mufa mushobo wa na sika lika kale, ali, “Wa beleka!” Yeo ki niti. Nasepa cwalo kona mo kukabela kwa neku leliñwi.

<sup>6</sup> Likupuzo zeñata Ni nani zona za keleke yenyinyani kwani, Na lumela cwalo . . . oh, Ni libezi kuli ikai yani. Inezi buse bwa kwanu bukaufi ni Mukwakwa wa Tonto. Mi Na hupula cwalo. Na kona kuhupula ka linzwi la “Mukwakwa wa Tonto,” kone kubanga keleke ya Spanish ya Apostolic kwani.

<sup>7</sup> Ne nibulela nibo mulisana, “Se sikaba sibaka sesinde sakuba ni ancafazo,” sibaka ki sesituna, keleke yenca, batu babande. Kacwalo Na sepa kuli taba ye ika zamaelela ni ancafazo zazi leliñwi. Mu lapelele seo, kukena ni kuba ni ancafazo. Cwale, Na sepa ki makutelo a sene lunani kwani kwa keleke. Ni hupula hane niyemi mwa patelo, ninze ni yendamezi fa lapa, kukambama ni kushetumuka mwa mikwakwa, ka kulika kuzwa kwani fa nako ya busihu, ka niti neli bunde bo Ni sika libala. Mi Ni na ni—ni piho ya basizana ba banyinyani, likalibe ni mizwale bane ba zwile mubano. Mi neba lika kuopela “Kulumela Feela,” mi neba sika lizusa hande, mwa ziba. Neba bulela kuli, mwa sibaka sakuli “kulumela feela,” nebakona kuopela kuli “yeonea believe,” mwabona.

<sup>8</sup> Mi Na hupula Rebekah, mwanaka wamusizana, Sarah, mi niteñi babulela kuli, “Tate, amuopele, kuliza ka tapa kakalikani kani kuka beela babanyinyani . . .” Mwa sibaka sa kubulela “Spanish,” nebakona ku bulela linzwi lani, kuli, “basizana ba Spinach, basizana ba banyinyani ba spinach baopela ‘Kulumela Feela.’”

<sup>9</sup> Kulukile, Na hupula ne balatelezi mukopano. Ancafazo neina ni bona, mi seba latelela mukopano kuyofita mane ni kwa Likaamba la Wiko. Mi Na . . . nto yenyinyani yato ni taba kwa pilu hane lu siile California, Muzwale Moore ni Na, ni Muzwale Brown, ona kwani kwa muleneñi. Mi hane Ni ile kwani mwa muyaho wani busihu bwani, banana bani neba yemi kwani inze baopeli kuli, “Wa ku tokomela.” Mukile mwa iutwa. “Mwahala

lizazi ni miluti, Wa ku tokomela.” Linako zeñata mwa linaha za kwande, fapila libaka za lindwa za likañi za lifasi, kulika kutisa Liñusa la Kreste, Ni hupula bashimani bani ni basizana inze ba opela pina yani kuna, “Wa ku tokomela. Mwahala lizazi ni miluti, Wa ku tokomela ni mwateni.” Kacwalo yani ibile susumezo yetuna, ki tuso.

<sup>10</sup> Kukopana ni mulisana wa mina yomunde, mi ki tabo kubona kuli keleke ya pila mi muna ni muyaho omutuna omunde o kwanu, kaufela bainzi, sibaka sesituna sa ku bulukela limota. Ki sibaka sa luli mwa mazoho a Moya o Kenile, haiba lukona feela ku Mu eza kuli asibone ni kuziba kuli lubiza ancafazo. Yena, Na lumela U kalufa iliñwi.

<sup>11</sup> Cwale, busihu bwa kacenu lukaba fa keleke ya Muzwale Outlaw, keleke ya Jesus Name, kwani kwa neku leliñwi. Mi Muzwale Outlaw, Na lumela mwa . . .ki keleke ya Apostolic, niyona. Na sepa ubizanga feela libizo la hae, yona keleke, kuli Jesus Name. Na sepa yena kiwa tumelo ya ba apositola. Mi kacwalo lulukela kuba kwani busihu bwa kacenu. Mi cwale ha lu buleli kwa keleke ya Spanish, “cwale amuzwele kwateni kwani,” kakuli muina fa sibaka sa musebezi wa mina. Mi cwale kukaba mukopano omutuna wa Baana Basikreste Bapisinisi, kukala la Bune, kasamulaho lisebezezo limano fela za likeleke zeñwi, la Bune. Mi kukopana kwa, bakaba niba buleli baba ipitezi, mi kacwalo Oral Roberts, ni muzwale yomuñwi wa Methodist ya sa zo piliswa, mi ba bulela kuli yena ki mubuleli ya mata hahulu. Mi Na sepa luli muka ikola kukopana kwateni. Mi mina banana ba banyinyani, bana ni mukopano kwani wa banana ba banyinyani hape, sina muzwale ha sa zo zibisa. Ni na ni bana baka kwani cwale bakona ku ikutwala se. Mi kacwalo cwale mubahe, luka tabela ku ba ni mina. Mulena ami fuyole kaufela mina.

<sup>12</sup> Mi cwale Ni bata ku kwalula mwa Bibe ni kubala amañwi a Manzwi afuyozwi a Hae. Mi Ni ketile kakusasana wo, fa nako nyana feela, Ha nilati kumi buluka nako yetelele, palo nyana, mi iliñwi ya zona ifumaneha mwa I Samuele, yeñwi ifumaneha mwa Isaya. Mi Ni tabela kubala mwa Isaya pili. Mi Ni . . .

<sup>13</sup> Kana mwa teleza hande, kaufela mina? Mwahala ma maikulofoni a, abonahala kuba a ipitezi hahulu ku na, Ha nizibi kuli kiñi. Mwa utwa handende kwabuse kafo, munanule mazoho amina. Kihande, kihande.

<sup>14</sup> Cwale, Ni ikutwa kusileha linzwi nyana, fa luli, kutahile ka kubulela hahulu. Mi sina ha Ne nili kwanu ni mizwale ya Spanish ye, ka lilimo ze lishumi kazesilezi, Na bona, mwendi ki lilimo ze lishumi kazesilezi kamba ze lishumi kazesupa, kulukile, Ni bile nikutaza kuzwa ona fani. Kacwalo Ne ni katezi luli, Na li, mi Ni katezi niteñi, kono Ni sa zwelapili ka muhau wa Mulimu.

<sup>15</sup> Cwale ha lu kwaluleñi mwa Isaya 40, kauhanyo yabu 40 ya Isaya; ni kauhanyo ya 1, kamba kauhanyo ya 3 ya I Samuele.

Mi halunze lusweli libaka zeo za kubala kwa Linzwi, Ni tabela cwale kuli luinamise lutoho za luna fa nako nyana ka tapelo.

<sup>16</sup> Ndata luna yakwa Lihalimu, luitumezi kacenu ka lithonolo le la kuyema mwa muyaho o ili oneezwi ku Mulimu ni kwa musebezi wa Hae. Mi sina ha lu ziba kuli batanga ba Hao bayemi kwa mulaho wa kwapili kwanu kamba katala linako zeñata, mi ka bupilo bobuipile kwa sebelezo ya Hao.

<sup>17</sup> Ni kuli se, kakusasana wo, sitisa likupuzo za kale, likupuzo za ancafazo yene sa zo kala, ka Moya o Kenile onotile fafasi mwa mufuta wa Liseli lelituna, sina Siita sa Mulilo, mi La bulela kuli Liñusa lilukela kunyanganyisa lifasi. Mi cwale kacenu zani seli za kale. Liñusa litumbuzi mulilo ka baana ba batuna, kasamulaho wa ku Libona, sina Oral Roberts ni Tommy Osborn, ni Tommy Hicks ni babañwi babañata. Mi nika misebezi yelubeile hamoho, lubona Liñusa halibeile mililo ya ancafazo mwa naha kaufela mwatasa Lihalimu, ya Liñusa la pentekota. Ka se lufa buitumelo ni tumbo ku Wena, O Mulimu Yamata.

<sup>18</sup> Mi cwale kacenu lulapela kuli U lukise lipilu za luna, ka kuitukiseza za Kuungelwa ko kutuna ko ku kaezahala cwanoñu fa, lwa lumela. Mi haiba lipilu za luna haliyo mwa buitukiso bwa sani kamba bwa sika kaufela seo U lu bulukezi, lwa lapela U lu swalele bufosi bwa luna, mi uka bulela ku luna kacenu ka Linzwi la Hao. Fuyola mulisana wa keleke ye, madikoni bayona, basepahali, ni keleke kaufela, ba membala. Fuyola sikwata sa ba opeli sesinyinyani se, ni mulizi wa piano, baopeli. Ba kaufela, bafuyole bona ba bakena mwa munyako wa sibaka se. Habaye bali baba cincize nako kaufela, bukaufi nyana ku Wena kufita mone bainezi nako ye ba kena. Aku alabe, Ndate. Mi seo sibe cwalo, ni haiba kakusasana cwana, kakuli lwa kupa ka Libizo la Jesu. Amen.

<sup>19</sup> Cwale lu sikuluhele mwa Buka ya Isaya, kauhanyo ya 40, lubala cwana.

*Amutiise pilu, amutiise pilu ya sicaba saka, kubulela . . . Mulimu.*

*Mu bulelele Jerusalema ze kolisa pilu ya hae, mi mushaele ku yena, kuli ndwa ya hae ifelile, kuli mulatu wa hae uswalezwi: kakuli u amuhezi habeli mwa lizoho la MULENA kuse . . . silikana ni libi zahae.*

*Linzwi la ya huweleza mwa lihalaupa, Mulukise linzila za MULENA, mu sungamise likululu la Mulimu wa luna mwa liuwa.*

*Musindi kaufela uka yumbelwa, mi haili lilundu ni kalundu lika ulululwa: ze kopami lika otololwa, mi matulungundu aka patamiswa:*

*Mi kanya ya MULENA ika bonahala, mi nama kaufela ika ibona hamoho: kakuli mulomo wa MULENA ki so bulezi.*

Cwale mwa Buka ya Samuele, I Samuele, kauhanyo ya 3, Ni bata kubala ya 1, ya 2, ni timana ya 19.

*Mwanana yena Samuele nanza sebeleza MULENA fapila Eli. Mi linzwi la MULENA neli tokwahala mwa mazazi ani; lipono nelisa atisi ku ba teni.*

*Mi kwa to ezahala ka kuli, kanako yeo Eli nalobezi mwa sibaka sa hae, mi meto ahae nasa unda, kuli na palelwa ku bona;*

*. . . lambi ya Mulimu nesika tima kale mwa tempele ya MULENA, mo neinzi aleka ya Mulimu, mi Samuele na sa lobezi;*

*Kuli MULENA a biza . . . mi kiha alaba, Ki na Yo.*

Timana ya 19

*Yena Samuele nanza hula, mi MULENA naba ni yena, mi Na sa lateli sesiñwi sa litaba fafasi.*

<sup>20</sup> Oh, yani ikona kuba palo yetuna yeo lukona kubulela ka yona fa kweli, mi lukona kuhoha hahulu zende kuzwelela kuyona palo ya kanya ye. Kono kakusasana cwana, mi lunani feela mizuzu ye mashumi amabeli kuli luzwe ka nako yende kuzwa mwa . . . Na bona sikolo sala Sunda sifelile kamba mwendi sitaha mwa mulaho wase, Ha ni zibi. Kono, nihakulicwalo, Ni bata ku itusisa palo ya kuli, *Linzwi La Mulimu Mwa Mazazi A Maungulo A.*

<sup>21</sup> Ki nako ye ipitezi hahulu. Lu lemuha seo ka kubulela kuzwa mwa Mañolo, kuli aize “Lipono nelisa atisi kuba teni mwa mazazi a Samuele.” Kabakaleo, “Kokusina pono,” yona Bibelee iize, “batu ba shwa.” Lu lukela kuba ni pono. Mi lipono litahanga kwa baplofita, mi ki Linzwi la Mulena leli bulelwanga ku bona.

<sup>22</sup> Mi lufumana kuli Eli nasi muplofita, Eli neli muprisita. Mi nanza ya asupala, ni meto ahae nasa unda, mi nasa boni ku ya kwa kamba kwa, neseli muuna yo mutuna yomukima. Mi nasa kalile kutuhelela musebezi wa Mulena usa ezwi.

<sup>23</sup> Mi sani ki sika sesiswana sina mosibezi kacenu. Na sepa keleke, tutengo ni likopano, libile mwa simu fa nako yetelele, mi likala ku itibala. Mi musebezi wa Mulena usiala usa ezwi, lona Linzwi la Niti, kakuli keleke, kuyona inosi, seibile yepalelwa kubona. Mi lutokwa, kacenu, Linzwi la Mulimu ku ambola mwahala luna, ku lu kutisa.

<sup>24</sup> Mi, mwabona, Eli nasa lobezi, mi ni . . . meto ahae napalelwa ku punya. Yena nali muprisita. Mi ne ba sina pono yene zwa ku Mulena. Ni butokwi bobutuna bwani!

25 Mi Mulimu usepiseze ku kopana ni zetokwahala za hola. Ki mwa ezezanga kamita. Mi lutokwa Linzwi la Mulimu kacenu, kukopana ni zetokwahala za hola, kukopana ni nako yelu pila ku yona. Mi hasamulaho A mano isepisa, lwa kona kuina kakusepa kuli U ka buluka sepiso ya Hae. Yani kona sepo yeo mulumeli anani ku Mubupi wa hae, ya kuli Na sepisize kukopana ni zetokwahala.

26 Mi, kacenu, libaka lililiñwi leo keleke ibezi mwa mufuta ili kuona, ki kakuli kuna ni manzwi amañata hahulu, manzwi amañata hahulu asili alyanganisa keleke kuzwa kwa Linzwi la Mulimu, kufitela haku kakanyiwa kamba babañata baka utwa Linzwi la Mulimu ni ha Ne lika bulela ona mwahala bona luli. Mane mwendi habakoni nihaiba ku Li utwisisa, kakuli Ne ikaba sika sa buenyi ku bona. Ba itingile hahulu fa manzwi a lizazi la bona!

27 Mi haiba lulemuha, mwa Liñolo laluna lelu balile, lili Linzwi la Mulimu neli la buenyi ku bona.

28 Mi kutahile ka nzila yani hape kacenu, kuli Linzwi la Mulimu. . . Kuna ni manzwi amañata hahulu amañwi. Mi cwale haiba Mulimu nasepisize kuli U ka lufa Sani, mi haiba manzwi amañwi alwanisana ni Linzwi la Mulimu, fohe ilukela kuba linzwi la sila sa luna, kuli lili lyanganise, kuli lusike lwa utwisisa Linzwi la Mulimu ha Li bulela.

29 Mi lulemuha kuli neli nto yeñwi yeswana ni yani ka Eli ni ka Samuele, kono Eli alemuha onafani kuli neli Mulimu. Mi kaniti neli—neli nyefulo ku Eli. Kakuli, Linzwi la Mulimu, ka kubulela ku Samuele, neli mu bulelezi ka bumaswe bwa Eli, kakuli na na ni bana ba hae, mi nebaikungela masheleñi mi—mi ni nama kuzwa kwa linubu. Taba yani nesi yende. Mi neba eza lika zefosahalile, ze lwanisana ni Linzwi la Mulimu.

30 Mi Samuele nanani. . . sika feela seo Samuele nakona kueza, neli kubulela kaswanelo. Mi nali ya itibezi nyana kwa kueza cwalo, kakuli ne si lwanisa sibaka luli sona sana lumezwi kuhulela mwateni, Eli mi ni mwa tempele. Kono Eli ali, “Aku bulele.” Mwabona? Mi kiha mubulelela kaswanelo luli sene sika ezahala, kuli Samuele. . . kamba, “Lizazi la Eli nese lifelile, kakuba muprisita,” kakuli Mulimu nasa bulezi kale, mi Mulimu naluma Liñusa la Hae ka Samuele mupolofita. Yana pepilwe mukwa oipitezi, kuneelwa ku Mulena kuzwa kwa bwanana. Mulimu na ambozi ku yena, inzali feela mwana, mi namulukiseza musebezi onosali kwa pili. Mi nako ya Eli nese iya kwa kufela.

31 Kuna ni manzwi amañata hahulu mwa lifasi kacenu, yeo ka niti ki nto ye tata, kakuli likusufaza Linzwi la Bumulimu. Kuna ni manzwi amanita hahulu a butu, manzwi amatuna a baana babatuna babali ba butu, akuli, mwa muinelo wa butu bwa bona, mane azukuza linaha. Ha ki batu ba busihu

bulubuñwi feela, kono ba zukuza linaha, batisa likopano zetuna hamoho, mikopano yemituna, yebuheha. Mi mutu wakona kulyangana nyana. Seli hahulu kwa kuba lyanganisa, kamo lika ze li ezahalela mi za konda. Mi kuna ni manzwi akuli—akuli bananuhe mi baize lika ze, mi litisa kuli Linzwi la Mulimu libeiwe kwa mulaho kwa sibaka sesiñwi, lona Linzwi la niti la Mulimu.

<sup>32</sup> “Mi Linzwi la Mulimu,” ba li, “kana luka ziba cwañi kuli ki Linzwi la Mulimu?” Kakuli, kacenu. . . Fohe neli ku mupolofita ya ketilwe. Cwale, kacenu, kamo luzibela kuli ki Linzwi la Mulimu, kakuli ki ponahazo ya Linzwi la mupolofita. Yo ki mupolofita wa Mulimu. Mi Linzwi la niti la Mulimu litisanga feela sani saluli, sesipila, ili Mulimu Wabuipiteli, ka Linzwi la Hae Labuipiteli, ka ponahazo Yabuipiteli bwa Linzwi la Niti. Fohe kipeto luziba kuli Ki Linzwi la Mulimu. Kakuli, ni kuli sani Sabuip- . . . Kuna ni zeñata zeñwi mwa libima lisili, zesweli feela kukusufaza Sani kusizusa. Kono, muhupule, Lika monyeha, Lika comoha kuzwa! Lika eza cwalo.

<sup>33</sup> Cwale, kuna ni linzwi kacenu mwa lifasi la lipolitiki. Lani ki linzwi lelituna. Mi sicaba, kaniti, mwa lizazi lelituna le la lipolitiki, ba ka. . . Kaufela zona ki lika ze lyangani mwa likeleke za bona ni lika kaufela. Mi linako zeñata, zelusa zo bona cwanoñu nyana faa, kuli linzwi la lipolitiki ki lelituile kufita Linzwi la Mulimu mwahala likeleke, kusicwalo sicaba sa ma American kambe hasi sikaeza mosiezelize. Mwabona? Kambe haba sika eza cwalo. Kambe Linzwi la Mulimu libulukilwe linze lipila mwa keleke, nebasike ba eza mafosisa ani. Kono linzwi la lipolitiki ki lelituna hahulu mwa lifasi kacenu kufita Linzwi la Mulimu, kufitela mane batu habalekisa tukelo ya kupepwa kwa bona kwa Bukreste bakeñisa kabubo, tuto, ni puso ya za lipolitiki. Ki maswabi amatuna kubona zecwalo. Zona lika luli zeo naha yaluna neipangilwe, zeo ipangilwe ku zona, batu ba sikuluhezi kusili mi—mi kuketa sika selukile lwa siyela naha yeñwi. Mi haili—mi haili ba Plymouth Rock, ni ba Mayflower ni bona, batile kwanu mi—mi batilo yaha zwelopili ye lunani. Kona lika zene lulwanisize hahulu luli kuli luzwe ku zona, luipeile luna bañi mwahala mazoho azona, kakuli Bibebe ibulela kuli kukaba ona cwalo.

<sup>34</sup> Mi ni mulao wa Eli: muprisita mwa sibaka sa kuba mupolofita. Mupolofita ki Linzwi. Mi muprisita neli keleke.

<sup>35</sup> Mi sifitile fa sibaka sa kuli mane sesikala kuceputuka kuli Linzwi ki la buenyi kwa batu. Ha ba Li utwi. Mi cwale mwakona ku Libulela, mi bona haba Li utwisisi, kakuli haba sika ituta za Lona. Paulusi naize, “Haiba tolombita ilila mulomo osa ketehani, ki mañi yakaziba za kuitukiseza ndwa?”

<sup>36</sup> Sicaba si lutilwe kwa li—li—li linzwi la keleke, tolombita ya keleke, “Luna ni zeñata mwa sikolo saluna sala Sunda kufita

kaufela bona moba bezi.” Seo hasi talusi sesiñwi. “Luna ni ba bañata mwa kopano yaluna kufita kaufela bona moba bezi. Ki luna babatuna mwahala likopano.” Mwabona, wani kona mufuta wa linzwi leo batu balutilwe. Mwa mikwakwa, baya kwande kuyonga batu ni ku batisa. Likiti ze mashumi aeza likiti bamwa mukopano omutuna, kuba tisa mwahali. Ki likamañi ze ba bata? “Luna ni keleke yetuna. Luna ni puteho yetuna. Luna ni sikolo sala Sunda sesituna. Luna ni mubusisi wa tolopo mwa keleke ya luna.” Sani sakona kuba sesinde kaufela, kono haiba ona keleke yeswana yani haisika lutiwa Linzwi la Mulimu, yona Tolombita ya Evangeli, ki bunde mañi bobukaba teni?

<sup>37</sup> Mi cwale sika hasi taha sina mokubezi mwahala muuso wa luna, kiñi sesi ezahalile? Keleke neisa zibi Linzwi la Tolombita, mi ne ba sazibi sa kueza. Sepiso ye tuna ya punyoho, muituti yomutuna yomutelele yakena mwahali, mi kiha sebaya fahallimu alika zona luli zeo Bibebe neisepisize, mi kiha balikenya mwateni. Mwabona, linzwi la lipolitiki! Mi neku bonahalile kuli neli pahamezi Linzwi la bulapeli, kusicwalo kambe nebasike ba eza zene baezize, lona Linzwi la Evangeli. Kakuli lusepisizwe lika zeñata, lusepisizwe punyoho, mi hakuna kukakanya kono kona seluka ikungela.

<sup>38</sup> Kono, niteñi, seo hasi talusi nto yeñwi ku mulumeli. Mukwalule mwa Buka ya Maheberu, fa kauhanyo yabu 11, muteeleze ku Paulusi Mutoziwa habulela, kamo bona, mwa mazazi, “Mone ba zamaela mwa matalo a lingu ni matalo a lipuli, nebali bayambaeli, kusina sibaka, nebaso keni mwa minzi.”

<sup>39</sup> Ne nisweli kubala kaza Katengo ka Nicaea, fani hane kutile litaba zetuna kwa Nicaea, Rome, lilimo ze mianda yemilalu kasumulaho wa lifu la Krete, ona mwa Katengo kakatuna ka Nicaea, fani keleke yani yene yemezi sesi lukile, ne babata Bibebe. Mi bakwenuhi basi Roman ba keleke ya pili ya Rome neba kenyeze mwateni lituto zakuipangela, kubulela kuli, ka mutala, sina ha luna ni Kilisimasi.

<sup>40</sup> Kilisimasi, Krete na sika pepwa ka lizazi labu twenti-faifi la—la Ñulule Ni na nenisika pepwa kalona. Kiñi, malundu a Judea natezi litwa, mi Yena. . . Za zamaelela ni bupolofita bwa Bibebe kaufela. Na pepilwe mwa nako ya maliha, sina lingu kaufela halipepwanga. Kiñi ha Na pepezwi mwa sikungu kufita kupepelwa mwa ndu? Na li Ngunyana. Kiñi ha Na sika matisezwa kwa aletare kamba kwa aletare ya Hae koo Na ilo kokotelwa, fa sifapahano? Na etelezwi kuya kwa sifapahano. Mu etelelanga ngu kwa kubulaiwa. Yena nali Ngunyana. Kona kuli Na pepilwe nako ye li pepwanga lingu.

<sup>41</sup> Kono, mwa bona, fa ku eza cwalo, neba nani kunyakalala kupepwa kwa mulimu wa lizazi, yo, ku ze bupilwe mwa lihalimu, li—li lizazi mwa mazazi aketalizoho kuzwa la twenti Ñulule kuisa la twenti-faifi Ñulule, hakuna kuzamaya nihaiba



hanyinyani, wa lizazi. Kwa—kwa shutana hanyinyani ka zazi ni zazi, liba lelitelele ka butelele ka butelele kufitela ha li yonata ku lelitelele kakufitisisa mwa kweli ya Sikulu. Mi cwale, mwa Nulule, kona leli kuswani kakufitisisa. Mi cwale mwa nako yani yenyinyani yabu twenti-faifi, kuzwa kala twenti kuisa kala twenti-faifi, nebabanga ni kunyakalala kwasi Roman ni kutabela kwa kupepwa kwa mulimu wa lizazi. Kacwalo he Jupiter, yeneli mulimu wa si Roman, mi cwale kiha ba likenya mwateñi, ka kubulela kuli, “Lukanga Mwana wa Mulimu ni kupepwa kwa mulimu wa lizazi, kubeya lika zeo hamoho kuba mukiti ulimuñwi.” Sani kise silwanisa! Mi, oh, lika zeñata nelibelwe mwateñi!

<sup>42</sup> Mi cwale fani baana bani baniti ba Mulimu bene babata kupila ni Linzwi, sina Polycarp, Irenaeus, Martin, baana bani babatuna, bapili, ba batozizwe bene babata kupila ni Niti . . . Mi cwale hane ba tisize mwahala Katengo ka Nicaea, batu babañwi bani neba hanilwe maswe kufitela hakutaha baplofita kuzwa mwa lihalaupa basina seba apezki kwanda matalo a lingu, kuina mwa katengo kani. Kono nebaziba Linzwi la Mulena. Kono kabubo, ani mazazi alishumi ka aketalizoho a lipolitiki za mali, kiha seli Li hanyeza. Mi kiha lutoba ni lilimo ze likiti za linako za lififi, mwabona.

<sup>43</sup> Kono Mulimu nasepizize kuli Tolombita yani ika lila hape. Kamita batu batelezanga kwa Muhuwo wa niti wa Linzwi, kamita mulemuhange se mu eza ka Linzwi.

<sup>44</sup> Linzwi la lipolitiki. Mi luna mwa America ni babañwi ba lifasi, luna ni linzwi leli bulela ka kuhuwa kacenu, mi lani ki linzwi la Hollywood. Likomile lifasi. Ha kube alimuñwi ya kazwa mwa Hollywood ni sesiñwi, muka sifumana mwa naha kaufela. Cwale, lu lemuhile kuli batomile mutinelo wa basali ba hesu, ka mutinelo wabona, mufuta wa milili yabona. Batomile mitinelo yani.

<sup>45</sup> Keleke ilukela kuziba Linzwi la Tolombita ya Mulimu ka sani! Kono kuna ni kulyangana kokutuna hahulu kakuli mubona kuli babañwi baeza cwalo, mitala. Musike mwa ikenya mwahala mifuta ya miinelo ya mitala yani, kakuli kize shwa. Kamita muutwange Linzwi la Mulimu, sona Sa bulezi kaza teni.

<sup>46</sup> Mi cwale lwa lemuha, fa Hollywood, batisa lika. Mi amunituhele feela nibulele fa nako nyana kuse lusikaya kale kwapili. Neku na ni—ni taba yenekile ya taha haki kale hahulu, ya kuli mu—mu muuna mwa Hollywood . . . Hakuna sakunyaza muuna yani cwale, ki mutu yoo Krete nashwezi, kono faku mi bonisa feela. Baipangezi nto nyana yebizwa, banana neba ibizanga kuli “hula-hoop,” hula-hoop, kamba sesiñwi. Mi haiba mukile mwa lemuha bumawe ni lika ze latelezi lika zani, mwa bana ba banyinyani. Zani haki zende.

<sup>47</sup> Cwale, Hollywood itezi ba—ba balwana ni litobolo. Cwale, mutu kaufela yaziba litaba zakale, waziba kuli batu bani kwa mulaho kwani mwa mazazi ani, neli balwani ba litobolo sina ba—ba batu ba ba shutana, nevasi batu baba ikutekile, nebali bakwenuheli, nebaswana sina Al Capone ni Dillinger. Bana ni papali ya Hollywood ye ba biza kuli, fa—fa televishini, baiziza kuli, “Musi wa tobolo.” Mi ne Ni utwile fa *Mazimumwangala* zazi leliñwi kuli mucaha yaibalanga, ki Arness kamba sesiñwi, kamba Arness, kamba Ni libezi libizo la hae, mi ulukela kunga . . . Uyemela Matt Dillon yanali mutikitibi wa milao mwa Kansas. Mi Matt Dillon nali wa mubala wabuñanda talukeke sina shakame. Na kunupile batu ba mashumi amabeli ka ba baketalizoho ni babalalu mwa mukokoto, batu ba basina mulatu, ku ya kwanda Munzi wa Dodge mi ni kulibelela mwa mushitu. Mi cwale mutu hanatile, kuli mutu yomuñwi naka mubulelela kuli neku na ni mulwanisi yana taha, mi nakaina kwande kwani mi, mutu yani hanaka taha, na ka mukunupa mwa mukokoto. Cwale lufumana kuli ki “mucaha yomutuna” yanza taha. Kiñi, kwani ki—ki kaniti kiku bubeka sibi. Kono bana babanyinyani ba naha yaluna bakona kumi bulelele zeñata za Matt Dillon kufita mobakona ku mi bulelele kaza Jesu Krete. Mwa—mwa—mwa libulukelo, libulukelo la ten-cent, niba liluko la litino, bana ni lika zenyinyani—zenyinyani za tutobolo twa kubapalisa, ni tukuwani totunyinyani to—to mukona kuleka kai ni kai. Kulukile ku tina lika zani, kono Ni—Ni mibulelele feela, mwa bona. Cwale bona—bona, lifasi la litekisano, linopa lika zani nikupanga bo lule bama dollar ku zona.

<sup>48</sup> Luna ni selubiza kuli “Lizazi la St. Patrick,” luna ni selubiza kuli ki “mazazi apumulo yabulapeli.” Mi lifasi la litekisano liikungezi sani, mi bapanga bo lule bama dollar. “Lizazi la Bahame,” sishañata sa lipalisa. Kiñi, zazi kaufela lilukela kuba lakukuteka me. Yena uikezi kusili, usupezi, uye umubone. Seo sikona kufita mapalisa kaufela okona kumu lumela, kamba sika kaufela. Mwabona, kono baikungela zona. Ki linzwi, mi—mi luzamaelela handende mwa lika zani. Luli haki lika zende. Kono muka eza sikamañi? Mwabona, luba—luba feela . . .

<sup>49</sup> Ni lika kufita fa sibaka fa kuli nimibulelele taba yeñwi, yeo Ni—Ni lumela. Linzwi ha li ipumanelwi, lona Linzwi la Mulimu.

<sup>50</sup> Cwale, lufumana kuli batomile muzamaelo. Mi kana mukile mwa lemuha? Bashimani baluna ba banyinyani babile bo “Ricky” ni “Elvis.” Muna ni mwana ya bizwa cwalo, mu mucince kapili, mumubize kuli kiwa “pili” kamba “wabubeli,” kamba sesiñwi. Musike, bwani ki bukatazi . . . Muli, “Ki shutano mañi yeli talusa libizo?” Kiñi, luli, litalusa nto yeñwi. Libizo la hao libupa bupilo bwa hao. “Cwale, Muzwale Branham, uyemi fa linumere.” Batili, Hani cwalo! Ni yemi fokuli KISONA SA BULELA MULENA! Kiñi haneli cwalo fani Jakobo, hanapila ka libizo la hae, kakuba—kakuba mupumi, lihata, Jakobo. Mi

fani Mulimu hana mu cincize, A cinca libizo la hae. Mulimu nacincize Saule kuba Paulusi, Simoni kuba Pitrosi. Kaniti, lina ni sesiñwi. Mi Ricky ni Elvis, ni mabizo amañwi a cwalo, ki mabizo a America yomunca akenya mwana onafu mwa lika zani. Mwabona se Ni talusa?

<sup>51</sup> Cwale, Na sepa Ha ni. . . Ni eze niyemele fo kufita kunga nako yetelele fa mutai wo, (mwabona se Ni talusa?) kuli musike mwaba ni kusa utwisisa. Kono lika ze kaufela halisika utwisisiwa mane ka mutu wa butu. Haba liutwisisangi, kakuli bana ni mukwa ulimuñwi. Zani kona feela zeba teehezanga, ona manzwi ani.

<sup>52</sup> Kuna ni linzwi la baituti, ba Swalisano, basepisa lika zeba sakoni kupila ka zona. Ibo buñata bwa sicaba sa ma American bainzi mwa Swalisano. Cwale, Ni bile mwa Swalisano, libaka za Swalisano, nitaluse, mwa Germany, kwani kwa upa wa Berlin. Neba nani mandu amatuna aku bonisa za kwande. Mulukela ku zamaya kukena mwahala ona, mane asika fela kale. Ki sifumu sa buhata, balika ku kasha fahalimu asesinwi.

<sup>53</sup> Mi, mwa Russia, sibaka sa kupepwa kwa Swalisano. . . Seo, lilimo zeñata zefitile, hane Ni sali feela mukutazi wa mushimani, Ni bulele kuli lilimo ze mashumi amalalu kazetalu zefitile, fani ba Nazi, Ketululo, ni ba Swalisano hane bataha taha, Ne niize, “Ni bulele ka Libizo la Mulena! Kaufela bona baka felela mwa Swalisano.” Kono, kana mukile mwa nahana, Mulimu ulusiezi pakani ya kuzwela, haiba lukona feela kuikungela yona. Kuna ni feela pesenti ilinwi ya Russia yeli ya Swalisano, pesenti ilinwi, kono bona kona pesenti yezamaisa. Pesenti ilinwi ya Swalisano. . . pesenti ilinwi ya Russia ki Swalisano, nitaluse, kono ba zamaisa.

<sup>54</sup> Mi taba yeswana, sibaka silisinwi sa Hollywood, kono ki bona baba zamaisa.

<sup>55</sup> Mwendi buñata bobulikana licika tuna kamba macika amabeli a sicaba sa United States bayanga kwa keleke, mi ki mamembala ba keleke, kono ba zamaisa mwahala likopano zani.

<sup>56</sup> Seo Swalisano itokwa kwani ki Linzwi la Mulimu kuli lizuhe mwahala bona, mi Lika ibeya mwa maswabi.

<sup>57</sup> Mwa Finland, fani mushimani yomunyinyani yani hana zusizwe kwa bafu zazi lani, mi neba ni zamaisa likwata zetalu cwalo, kone ku zuselizwe mushimani yo, yana shwile; masole ba Swalisano, ba Russia, banze bayemi fani ka likute la si Russian, ni mioko inze ibuba fa malama abona. Kiha bali, “Luka amuhela Mulimu yakona ku zusa bafu.” Ki buitibali bwa keleke ya Katolika ni keleke yaba Lutheran, ni likopano zani kaufela, mi liingile masheleñi kaufela, ni kuyaha likopano, ni kutokwa kufa batu sika. Bapila sina batu babañwi babasiezi. Kuna ni. . .

58 Seo Russia itokwa ki mupolofita kutaha ka Linzwi la Mulena, leli kona—kona kukwala milomo. Fohe cwale lipesenti zani ze mashumi aketalizoho ka amane likanga sibaka.

59 Seo America itokwa ki Linzwi la mupolofita wa Mulimu, yakona ku yema ni kunyaza Hollywood, ni kunyaza lika ze ka Libizo la Jesu Krete, mi Keleke ya Moya o Kenile ikanga sibaka. Kulyangana kiko kuñata hahulu, mwabona, ki manzwi amañata hahulu abonisa kulwanisa lika Ze.

60 Haili keleke, linzwi la yona, mañi ni mañi ubata mamembala ba bañata. Ba Baptist babata kaufela bona, ba Methodist babata kaufela bona, Presbyterian. Kaufela luna ni zona. Mi Katolika ubonahala inge uka shimba kaufela bona, mi bakaba cwalo. Leo kona luli Linzwi la Mulimu lelizwa mwa Bibeleye. Ba ka busa.

61 Kono Mulimu Muambakani Yapahami ukabusa lwa mafelelezo. Ba Batozizwe bakanga sibaka, zazi leliñwi, Bibeleye kimo ibulelezi. Ba kanga sibaka.

62 Buñata bwa manzwi amaswe acwalo! Mi kuna ni linzwi la mupolofita wa buhata. Lani ki linzwi leli maswe, mutu yaipiza ili yena kuli ki mupolofita. Mupolofita, ka niti, ki mukutazi. Linzwi la kacenu “mupolofita” kaniti litalusa “mutu ya kutaza mwatasa susumezo.” Kuna ni mutu ya yema ni kuipiza kuli ki mupolofita, mi uhana Linzwi la Mulimu, uhana Niti ya Mulimu. Kuna ni manzwi amañata!

63 Mwa mizuzu nyana yefitile, neku na ni muzwale kwande kwani yana ni supeza kwa ku kenela kwanu kwahalimu, kono Ni . . . na kakanya zene Ni yezi mwa mukwakwa ni ku sikuluha kukuta. Haiba uteñi mo, muzwale, Ne niteleza ku sesiñwi, neli mu—mu mulikana luna yomunsu, wa litalo lelinsu. Bana ni tempele kwanu, mi baibiza kuli, “ki Elia Mohammed,” kamba sesiñwi “Elia yomunyinyani Mohammed.” Yatahile ka linzwi, mi bali kona linzwi lelika tisa lusika lwa ba—ba bansu kuzwa mwa butata boo. Kuli, mwa bona, yona taba luli, zabu—zabu—zabu Moslem zabona likwanu, sibaka sabona sa Mosque. Kiñi, hamusa boni, kuli ona makalelo luli ateñi, ki a fosahalile!

64 Batu ba bansu, sina feela inge makuwa, batu baba sweu, ni batu ba buñanda talukeke, isiñi ku—ku kuta kuba Mohammed, kono ku kuta ku Krete, ona litaba luli zeo Bibeleye iluta. Buhammedan bu lwanisa Linzwi. Cwale, Ne nina ni lithonolo la ku tisa sicaba besikuma fa likiti ze lishumi za bu Mohammedan ku Krete nako yeñwi kwa Durban, South Africa. Hakuna ze litisanga kwanda mihupulo yabutu. Mi mihupulo yabutu ki yeminde ibile feela mihupulo yabutu a ihani Linzwi. Kono haiba mihupulo yabutu ihana Linzwi, kona kuli mihupulo yabutu ifosahalile. Itisa linzwi lelisa ketehani. Kuna ni lika kaufela zelukela kufela kwanda Linzwi la Mulimu, Jesu nabulezi cwalo, “Lihalimu ni lifasi lika fela, kono Linzwi la Ka halina ku

fela.” Kacwalo, mwa bona kuli lulukela kupila ni Linzwi, ona Muhuwo.

<sup>65</sup> Ba bañata ba lyanganisa lika! Batu ba nanuha, ba sa zibi Linzwi, mi ba bulela lika, mi mwendi liutwahala kuba zende. Swalisano ki taba yende luli, “Mutu kaufela nto yeswana. Hakusana nihaiba ba eteleli, kaufela bona ki ba Swalisano.” Kana mukile mwa yema ni ku nahana kuli yani ki ancafazo ya buhata, Swalisano icwalo? Mi ki kakai kone iswanisize zani kaufela? Ona . . . Jesu naize, “Mioya ye mibeli ikaba fakaufi luli, ikapuma Baketwa luli haiba ku konahala.” Mi kaufela za na ni diabulosi, ki lyanganisi ya za bupile Mulimu. Sibi ki—ki ku luka koku lyanganisizwe. Buhata ki Niti ye sika bulelwa hande. Boozwa ki—ki, kezo yeo Mulimu natomezi luna, ilyanganisizwe. Kusa lumela kaufela ki lyanganisi ya kulumela. U lukela kuhana Niti fa kuli uikungele ku—ku kukeluha. Mwabona, kupatalaza ona manzwi a, mu atatube ka Linzwi mi mubone haiba ki Niti.

<sup>66</sup> Oh, mo lukona ku zwelapili cwalo cwalo, fa manzwi a kacenu a, kono nako yaluna ifelile. Kono, manzwi amañata hahulu ao batu basazibi sakueza. Ba Methodist baka teezeza mukutazi wa Baptist, baka ya kwateni kwani, baka ina kwani nako nyana mi baya kuba Lutheran. Mi ni mwa batu ba Pentekota, bana ni likwata ze shutana, yomuñwi uka matela ku iliñwi, mi yomuñwi ku yeñwi, mi niku kuta ni kuya. Ku bonisa kuli hamuna mayemo. Muutwa Linzwi la Hae! Ki Le fa, liñozwi fa pampili, ona Linzwi, lona Linzwi lika pakiwa haiba Ki Niti.

<sup>67</sup> Lifasi la likeleke halizibi sa ku eza, lifasi la lipolitiki limwa ñalelwa. Lika kaufela libonahala kuba mwa ñalelwa. Batu ba mata kuzwa kwanu, sika sesiñwi sa taha, baki yeñwi, koti yeñwi. Hane Nili kwa Rome, neba nani limapo ze lishumi kazene zepakilwe kuba zene zusizwe mwa lizoho la Jesu; mi kuna ni feela zetalu, kono ibo bana ni piho ya kuli ki limapo ze lishumi kazene zeshutana. Cwale, ki shutano ifi yeli teni kuya na ni mapo? Krete nasika lusiela limapo zakulapela, Na lusiezi Moya o Kenile, ka Linzwi la Hae! “Lisupo ze lika latelela babalumela, bakaba ni mapo yapili?” “Baka ba ni . . . Lisupo ze lika latelela babalumela, bakaba ba siemba sa kopano se Ni kala?” Yena hakuna yakile atisa. Mwabona mo linzwi lilwanisizwa?

<sup>68</sup> Kono, “Lisupo ze lika latelela ba balumela; ka Libizo la Ka baka leleka mioya ya diabulosi.” Lani kona Linzwi. “Ba ka bulela ka malimi amanca; baka swala linoha, zeo halina ku ba eza maswe. Haiba banwa lika zekola, halina ku ba taseza. Ha ba ka beya mazoho abona fa bakuli, baka foliswa.” Mi mubone lika ze hamoho cwalo ni Mañolo amañwi cwalo.

<sup>69</sup> Cwale, sani sinosi hasina ku sipaka hande, batili sha. Fani kona fo luna ma Pentekota lukeluhanga kuzwa mwa nzila. Kana Jesu nasikali, “Babañata baka taha ku Na ka lizazi lani, mi bakali, ‘Mulena, kikuli ha Ni sika eza lika zetuna ka Libizo la

Hao? Kikuli ha Ni sika polofita ka Libizo la Hao? Kikuli ha Ni sika eza lika ze kaufela ka Libizo la Hao?” Mi Jesu naize, “Muzwe ku Na, mina baezi ba ze maswe, Nali kuba ni mizibe.” Kana mwa bona, likezi zaka ni mizwale yaka, kiñi ha Ni nyaza ni ku kalimela lusika lo? Mwakona ku bulela ka malimi sina batu kamba Mangeloi, mwakona kubina mwa Moya mwa keleke kaufela, seo hasina sakueza ni Sona.

<sup>70</sup> Ni boni ba Mohammedan hababina kupotoloha cwalo. Ni utwile kwa ba alafi . . . mikiti ya liñaka, niboni maloi haba yema ni ku bulela ka malimi mi ba atoloka, mi ba bulela hande sesilukela ku ezahala, mi ku ezahala ona cwalo. Ni boni mane nihaiba potoloto ha inanuha ni kuñola ka mishobo isili, ni neku na ni alimuñwi feela yana kona kubala, mi nali wa diabulosi. Ha mukoni kutoma bukamusu bwa mina Bobusafeli fa lika za maikuto amañwi. Satani wa kona kulikanyisa maikuto ani kaufela. Isiñi . . . Ki ku ziba Kreste, sesiñwi sicinca mwa bupilo bwa mina. Mu talimele bupilo bwa mina mi mu bu zamaise ka Linzwi, mi mubone fo muinzi. Munge lipatisiso, kaniti.

<sup>71</sup> Hakuna taba mwahala malikanyiso a kaufela, manzwi abuhata, bapolofita ba buhata, lika ze kaufela ze tahile, Jesu usabulela kuli, hakuna taba mwahala lika ze kaufela, “Haiba mutu kaufela uka utwa Linzwi la Ka ni ku Ni latelela.” Yena ki yena Linzwi. Muteeleze, tumo ya Hae ku luna kacenu, mwahala manzwi a kaufela. Sesili, Ne niize kukanga liholo kunga manzwi a kaufela. Mi ki alyanganisa kwa batu, ki taba ye nyemisa. Mi, hasamulaho wa seo, hamuna kuba ni nako ya bubeli, mulukela kuikungela taba Ye cwale. Hamukoni kuba ni nako busihu bwa kacenu. Hamukoni kuba ni nako kamuso. Ki cwale! “Ha muutwa Linzwi la Ka, musike mwa itatafaza lipilu, sina mwa mazazi a muliko. Ye ki yona nako. Ye ki yona nako yelukeli kuli mutu kaufela ha ka utwa Linzwi la Ka.” Sani sibonisa kuli Linzwi la Hae likabanga teni mwahala ñalelwa. Yena usana ni Linzwi! Kiñi? Linzwi la Hae lika siala kamita cwalo. Kile fa, “Lihalimu ni lifasi li ka fela, kono Linzwi la Ka ha li na ku fela,” Linzwi la Hae.

<sup>72</sup> Ha lungeñi feela, kuli, mizuzu yemiñwi yeketalizoho, kapili. Kana mwakona, mukaina nakonyana yeo, kamba mizuzu yelikani feela? Cwale, Ni ka akufa. Alungeni feela babañwi bene ba utwile Linzwi le ni ku Li utwela. Mo ne Li ba tuselize kupeta lika, seo Ne li batusize ku eza. Cwale Ni ka tula Mañolo a—a amañata fa, ili feela kuli nitalimane hande ni mina kamo Ne licincelize bupilo bwa bona ni bao kaufela bene bali nibona, mone babezi batu ba baipitezi, lubizanga kuli ki “baipiteli.” Mutu kaufela yakile alumela Mulimu, natalimilwe kuli ki ya ipitezi. Kakuli, haiba muinzi mwa buino bwa lifasi, kuna ni sesi fosahalile ni mina. Kuba Mukreste ulukela kuba ya ipitezi. “Kakuli baba pila ka bumulimu ku Kreste Jesu ba ka nyanda mwa miliko ya lifasi. Nali mwa lifasi, mi lifasi neli tahile ka

Yena, mi lifasi ha li sika Muziba.” Kapili cwale, muteeleze hande halunze lukwala.

<sup>73</sup> Adama na utwile Linzwi la Hae, mwa nako yebata ya manzibwana, mi nana ni kopano ni Yena. Ne ku sina nyazo ku Adama. Na utwile Linzwi la Mulimu, mi ki hali, “Ndate, cwale Na ya niyo lobala.” Mi kiha lobala, ni Eva fa lizoho la hae, yona tau, ona liñau, ni lifolofolo za mwa naheñi zali kumu tinguluka, ne ku sina kolofalo, ne ku sina mukwa mwa ka bela yakula, neku sina mwana ka yambaelela hanaka zuha kakusasana, ne li ka zuha. Adama na utwile Linzwi la Hae mwa nzila yana lukela ku Li utwela teni.

<sup>74</sup> Kono zazi leliñwi na utwile linzwi la musala hae. Mwendi nisiye seo pili fa nako nyana. Kono na telelize kwa linzwi lelisi lona, ibo neli musala hae, ona tamanahano ya fakaufi yana nani fa lifasi. Kiñi hana sikali, sina Jobo, “Wena ubulela sina musali wa sikuba”? Mi haiba ne kukaba, batu kaufela mwa masika neba ka pila isi kushwa. Neli cincize muinelo wa butu ni nako. Kono yena na utwile Linzwi la Mulimu, na nani kopano ni Lona, kono fani hato sikuluha. . . Na zibile cwañi kuli musala hae nafosize? Muhupule, neili munati.

<sup>75</sup> Luna lunahana kace kuli kopano yaluna, keleke, lunahana kuli punyoho yaluna kacenu ki Mulimu yasweli ku lu menyeza. Ku bonahala bunde. Nekubonahalile bunde fani Mikaya hana yemi fapila bapolofita babaeza mianda yemine, mi naha kaufela neli yabona, mi Mafilisita neba ibyanguzi, kamba kima Asiria, neku bonahala bunde. Bapolofita ba nebasweli kubulela, “Zwela kwande kwani, yani ki naha yaluna. Ikungele yona!” Kono nesi Linzwi la Mulimu. Mi Mikaya asikuluha akuta linzwi lani. Mi he na zibile cwañi mwa kuezeza cwalo? Kakuli pono ya hae neizamaelela hande ni Linzwi. Yani kona feela nzila inosi yakusepa kayona ni kubona kayona kacenu, silukela kuba ka Linzwi.

<sup>76</sup> Mi cwale mulemuhile hasamulaho wa Adama kuteleza kwa linzwi lisili kwanda Linzwi la Mulimu, yena musala hae luli. . . mi ni keleke isweli kuteleza kwa linzwi la kopano ya yona, kukenya kuyona lituto za kuipangela mwa sibaka sa Linzwi, kuba tuhela kupila ka mukwa kaufela obabata kupila ka ona. Ibile feela bayanga kwa keleke mi ki mamembala ba keleke yakuli, kona feela ze batokwa. Tamahano yafa bukaufi luli yeo mulumeli anani fa lifasi, ku yena, ki keleke. Kono mulumeli, mulumeli wa niti, tamahano yafa bukaufi ki Moya o Kenile, ki Linzwi la Mulimu.

<sup>77</sup> Kacwalo muka fumana kuli Adama na lemuhile buino bwa hae, mi na utwile Linzwi la Mulimu inze libiza hape, mi fo nali mwa matali a feiga. Kono neli Linzwi la nyazo, “Kiñi ha uezize se?”

<sup>78</sup> Na komoka haiba mwa America kacenu, kamba lifasi mwa ñalelwa ya bulapeli, sina moku inezi, mi America usweli kufenya, kakuba ye mizizwe, ikaba bulapeli bwa naha bo bunde cwanoñu nyana fa. [Hakuna manzwi fa tepu—Mu.]

<sup>79</sup> Ki mañi yainzi fapila ka? Na ziba kuli ki matepu mi akaya mwa lifasi loote. Luna ni mikoloko ya matepu, kuli Liñusa kaufela libiza lifasi kaufela kuli litahe mwahali, mwa linaha kaufela.

<sup>80</sup> Kulukile, cwale haiba muka talima ni kubona, muyemi feela mwa matali a lifeiga. Fo Linzwi la niti la Mulimu halitaha, haba zibi za kueza ka lona. Ki kulyangana, haba zibi sakueza.

<sup>81</sup> Kapili, Nuwe na utwile Linzwi la Mulimu. Neli lukisa kupilisa bupilo bwa hae, mi kiha latelela litaelo mi ayema.

<sup>82</sup> Haiba mutu autwa Linzwi. . .Cwale amuteeleze, muutwe taba ye hande luli. Musike mwa palelwa. Haiba mutu autwa Linzwi la sika sesiñwi, mi haiba kunyakisizwe kuli Ki Linzwi la Mulimu, mi ni mwahala nako, mi cwale sani sizwa ku mutu, lihalimu ni lifasi lika fela kono Linzwi leo halikoni ku fela.

<sup>83</sup> Nuwe na utwile Linzwi, mi anyaza lifasi. Mi ba seha fapila hae kakuli li—li Liñusa la hae nelisika zamaelela ni lipangaliko za bona za sayansi, kono yato nela ni kusinya lifasi kaufela. Mwabona? Linzwi la hae lene libulezwi, peu ne iliteni fani. Lusika kaufela kubile ka mukwa oswana.

<sup>84</sup> Samuele, na sabile atoutwa Linzwi la Mulimu, kuli na ka ba . . .ku zwelapili kunyaza Eli, mutu ya na mu hulisize. Muuna ya na bile ndate ku yena mi na mu hulisize ni ku mu fepa.

<sup>85</sup> Mizwale babakutazanga, Ni bulele? Bakutazi, linako zeñata, mwahala mayemo abona a likopano ni lituto za kuikupulela, litaba zabona mwa lipokoto zabona, ili zona luli za bwana, ona kopano luli yeba hulisize ni kuba fepa ni kuba tisa ni kuba beya hande mwa keleke, ni kuba beya mwa puteho, mu lukela ku talima hande zeba luta. Mwabona? Ki nto yesabisa cwañi kuli mutanga Mulimu waniti ku utwa Linzwi la Mulimu ni kuba ni kukuta kwa kopano yeswana yani yame, muli, “Mu atuzwi kakuli hamu amuheli Linzwi le.” Ki taba yecwañi!

Nekuli tata kuli Samuele. Kono yena nali mupolofita, nana ni kueza cwalo. Kamba nelika mu utwisa butuku kamba kutokwa, na na ni kueza cwalo nihakulicwalo.

<sup>86</sup> Mushe na utwile Linzwi la Mulimu. Natezi lituto za bumulimu. Na zibile kaufela za *mwahali* ni *kwande*, kono ne ku palile. Na utwile Linzwi la Mulimu, Mushe na sikaba yeswana.

<sup>87</sup> Mi hakuna mutu ya ka ba yaswana. Mwakona ku utwa ka lizebe za mina lona—lona Linzwi ha libulela, kono ha mu utwela mwa pilu yamina, Linzwi ha li bulela, mwabona, kona kuli mwa utwa. Ha mu boni ka meto amina. Mu talima ka meto, mu bona ka pilu yamina. Mu bona sika sesiñwi, muli, “Na palelwa ku



sibona,” mutalusa kuli ha mu si utwisisi. Ha mu utwi ka lizebe zamina, mu utwa ka pilu yamina. Linako zeñata lizebe zamina liutwanga Linzwi la Mulimu, mi Li shulumukanga feela sina mezi fa mukokoto wa pato. Kono fani ha mu utwa luli, mu utwa ka pilu yamina.

<sup>88</sup> Mi kaufela lituto za bumulimu zeo Mushe na nani, nasika utwa Linzwi la Mulimu. Kono zazi leliñwi Mulimu atobiza mulisana wa lingu yo wa lilimo ze mashumi aketalizoho ka zene za kupepwa kwa sibaka sesiñwi ni ku ambola ni yena, mi ato Li utwisisa. Na bonahalisize kuli Yena ki Mulimu. Sika sa pili sa Na ezize ku Mushe, neli ku nyakisisa Linzwi la Hae, “Na shetumukela kwani, Na hupula sene Ni sepisize.”

<sup>89</sup> Mi se kona sa Na sepisize kwa lizazi la mafelelezo. U ka zusa sicaba kuzwa kuba Macaba, ni lisepiso kaufela.

<sup>90</sup> “Se Ni sepisize.” Ali, “Mushe, tubula likatulo za hao.” Mwa manzwi amañwi, u Li kuteke. “Cwale yumba mulamu wa hao fafasi.” Mi fa—fa fakota ye omile ya mwa lihalaupa kwa taha noha, mi Mushe aiswala, mi ya kutela mwa muinelo wa yona hape. Mwabona? Na zibile kuli yani neli Mulimu, kakuli Mulimu naize, Linzwi la Mulimu, lona Linzwi la Na bulela, ali, “Yumba kota ya hao yemwa lizoho la hao.” Lani ki Linzwi la Mulimu. Usike wa lika kueza taba yeswana, lani haki Linzwi la Mulimu ku wena, lani ki Linzwi la Mulimu ku Mushe. *Kile* fa Linzwi la Mulimu ku mina! “Yumba kota ya hao fafasi.” Se ifetuha kuba noha. Ali, “Cwale kana wa i saba? I na nulele kwa muhata,” mi kiyani hape seikuta. Linzwi la Mulimu ku yena. Kiñi sa Na ezize. Mulimu na bonahalisize Linzwi la Hae.

<sup>91</sup> Ne ni nani pizo kwanu likweli nyana zefitile, kaza, nenibile, oh, sekufitile mwendi silimo, silimo sesi fitile. Musizana yomunyinyani kwa mafelelezo a ngambolo fa telefoni, ni mukutazi wa Baptist ni mukutazi wa Pentekota. Ki hali, “Muzwale Branham, Mulena uni ezize kuba mupolofita wa musali.”

Nali, “Kihande.”

<sup>92</sup> Ali, “Mwa ziba, Ni bulelezwi kuli no ize kuli una—una ni piho yakuli bulumiwa bwaka buzwa ku Mulimu.”

<sup>93</sup> Cwale, Ne nisakoni kueza cwalo, kinto yeshutana ni Linzwi. Kacwalo Nali, “Kalibe, ao ki mafosisa. Na mane hani kuzibi.”

<sup>94</sup> Mi mukutazi wa Baptist, Ne ni muutwile, Ne ni utwile mukutazi wa Pentekota. Ki hali, “Kulukile, Ni na ni mukopano kwanu.” Mi ali, “Mulena usweli ku eza lika zetuna.”

<sup>95</sup> Na toli, “Ni itumezi ka seo.” Yena ali. . . Na toli, “Kana Akile akubulelela sika kaufela haisali?”

Ali, “Eni, Ni na ni mikoloko omutuna olibezezi.”

<sup>96</sup> Na toli, “Kibunde.” Na toli, “Cwale, mukoloko wa hao kiufi?” Na toli, “Kiñi sana kubulelezi Mulena?”

<sup>97</sup> “Yena ali, ‘Zamaya kwa Phoenix, Arizona, ka lizazi la *kuli-kuli*, mi Ni ka kufa mukoti wa butale olatehile obizwa Dutchman Gold Mine, mi ukanga gauda ye fumaneha kwani ni kutusa bahasanyi ba linzwi mwa lifasi kaufela.’” Kanti kaufela luna luziba kuli mukoti wa butale olatehile wa Dutchman Mine ki litangu. “Kona mwa Na bulelezi.”

<sup>98</sup> Na toli, “Kulukile, Ni ka kubulelela mwa kubatisiseza haiba ki Mulimu kamba kutokwa.” Na toli, “U yoba teni ka lizazi lani. Mi haiba uka fumana mukoti olatehile wa Dutchman Mine, kona kuli ki Mulimu. Haiba ha una kufumana mukoti olatehile wa Dutchman Mine, konakuli ubake mi uzwise moya o wabuhata ku wena.” Cwalo kona mwa ku batisiseza kuli ki Mulimu kamba kutokwa.

<sup>99</sup> Mulimu naize, “Mushe, yumba kota fafasi, mi ika fetuha kuba noha.” Na ezize cwalo. Na ize, “Inanule mi ikaba kota hape.” Na ezize cwalo.

<sup>100</sup> Mi Mulimu aeza sepiso ya bulumiwa mwa lizazi la maungulo le, U ka bu zibahalisa ona mwa Na bulelezi kuli U ka ezeza. Fohe kipeto muka ziba kuli muna ni Linzwi leli lukile. Muteeleze kwa Sika sa luli, kakuli ki Linzwi leli nyakisiswa. Mwabona? Oh, kamo. . . Ni swabile, Ni. . . Ku lukile.

<sup>101</sup> Mushe ato eza kakushutana. Mutalime taba—taba ye sehisia yeo Mushe na ezize. Cwale, kamita ha mu latelela Linzwi la Mulimu, mubanga bukuba, kwa lifasi. Zazi leli tatama, lufumana Mushe, ni musala hae bapahami fa mule, ni kana kayona fa noka, kamba sani kisa kwa mboela, “mwana” fa noka ya hae, mi cwale ki bani. Muuna muhulu yo ni mulelu unzo lepelela cwalo sina *cwana*, ni sitenda sa hae inge sibenya, kakota mwa lizoho la hae, inza eteleli tonki yenyinyani, kuya kwani kwa Egepita katata feela mwana konela ku zamaela. Yomuñwi naize, “Mushe, u ya kai?”

<sup>102</sup> “Ni ya kwani kwa Egepita, ku yo yola zeliteni.” Ona kulo kwakile apalelwa hana sali mucaha, napalezwi hana Sali muuna wa lisole, kono fani nasweli kuya kuli ayo liulula. Mi sa eza cwalo. Kiñi? Na utwile Linzwi la Mulimu mi na Li boni hane lipakilwe mwa lizazi la hae, ka lika zene lukela kuba mwa lizazi la hae. Na liboni.

<sup>103</sup> Paulusi, Mufarisi wa mufuta wa hae, yatezi feela lituto za bumulimu kamwa na konela kubela, kono zazi leliñwi autwa Linzwi la Mulimu. Na boni Siita sa Mulilo, mi aziba kuli neku nani sesiñwi sesi shutana. Sa cinca bupilo bwa hae. Hakuna taba kamba ki Bafarisi ba bakai, ki bo Gamaliele ba bakai kamba sika kaufela sene sikona ku huweleza Paulusi, “u fosize, u fosize,” Paulusi, hana utwile Linzwi la Mulimu, na zibile kuli Ki yona Niti.

<sup>104</sup> Pitrosi, ka bulapeli bwana nani bona, ku buluka lizo za babahulu, na sa ci nama niyekana. Batili, sha. Nasina sa kueza

nihanyinyani ni yona. Kaniti na sweli kubuluka lizo za babahulu, kuzamaelela ka Linzwi. Kiñi sene siezahalile? Zazi leliñwi autwa Linzwi la Mulimu, “Usike wa biza lika zeo kuli limasila, Na hani likenisize.” Nali mutu ya cincize. Na itukiselize kuya kaufela koo Mulena naka muluma.

<sup>105</sup> Ka kukwala, Na kona kubulela se. Ne kuna ni muuna nako yeñwi yanali mulumeli. Na sa shwile fa mazazi amane. Na li mwa libita, kununka, kubola, kono natilo utwa Linzwi la Mulimu ha libulela, “Lazaro, zwa mo!” Mi haiba Ne li zusize mutu hasamulaho wa kushwa ni kubola, ki sikamañi se Li ka eza kwa keleke ye sa na ni bupilo kuyona? Lina ni ku ba zusa, mwahala ku keluha kwa manzwi a kaufela ao oluambozi fateni, bulapeli, lipolitiki, Hollywood, bupolofita bwa buhata kaufela ni lika ze ile kwande. Mwahala zona kaufela, Linzwi la niti la Mulimu lika ziba mutu, ya shwile mwa sibi li bumaswe, kutaha kwa bupilo hape. Lina ni kunga keleke yewile ni kuibizeza kukuta kwa bupilo hape. Luli!

<sup>106</sup> Muhupule, ka kukwala, Ni bulela se, mi hasamulaho Ni ka kwala. Jesu naize, “Nako ya taha, fo bani kaufela babali mwa mabita baka utwa Linzwi la Mulimu.” Mi ni mina muka Li utwa. Hakuna taba kamba mu mwa mufuta ocwañi, muka Liutwa nihakulicwalo. Mi babañwi baba ka zwa mwa mabita, ba ka zuhela katulo. Basweli kuutwa Linzwi, kono Ki leliatula. Mi haiba mu Li utwa kacenu, “Kacenu, hakuse kufitile nako yetelele, ha mu ka utwa Linzwi la Ka, musike mwa itatafaza lipilu za mina, sina mone muezelize mwa lizazi la muliko.” Mi haiba mina, batu ba Pentekota baba ipeya mwa likwata hape, mwa mukwa wa lifasi, “kuba ni mufuta wa bumulumu ni kuhanyeza Mata ateni,” fani musika zuha kale mwa zuho kuli mu atulwe, kakuli Linzwi la Mulimu leli ambola ku mina fa cwale ka Linzwi lika mi atula ka zazi lani.

<sup>107</sup> Haiba u mulumeli wa sihalihali feela, Linzwi la Mulimu li sweli ku huweleza mwa pilu ya hao kakusasana wo, “u mulumeli wa sihalihali,” aku bake feela!

<sup>108</sup> Mina baana, basali, ba shimani kamba ba sizana, ba basa pili ka Kreste, mi Muhuwo wa Mulimu wambola ku mina ka Linzwi la Hae mi lili “tuhela ku eza cwalo,” ku hande ueze cwalo. Kakuli uka Li utwa hape, ka zazi leliñwi, mi Li ka kunyaza. Ha ukoni ku Li hana, Li sweli ku ambola ni wena onafa cwale. Mi, muhupule, ku ñozwi.

<sup>109</sup> Mi bani ba baeza hande mi ba utwa Linzwi la Hae, ba ka zuhela kuluka, kwa Kanya, kwa Lihalimu.

<sup>110</sup> Kacwalo mu ka utwa Linzwi la Mulimu nako yeñwi. Mwendi kakusasana wo Li sweli ku bulela mwa pilu yamina, kuli mulukela ku sikuluha kuzwa mwa nzila yemuya ka yona, mukutele ku Mulimu. Cwale, muhupule, ba ka rekoda Linzwi leo leli bulela kwa pilu ya mina, mwa Lihalimu. Mi zazi leliñwi

fo Jesu ha ka biza, mi bao kaufela ba ba mwa mabita, kaufela, ba balukile ni baba sika luka, ba ka zuha. Mi cwale ona Linzwi leli swana le lika yo shobota ku mina, “Mwa Phoenix, Arizona, kala Sunda leliñwi ka kusasana, fani mukutazi ha na mi inisize hahulu nako yetelele, inza bulela ka za Linzwi, Ne ni bulezi ku wena; ne ni mi bulelezi kuli mina basali mutuhele milili yamina kuli ihule, mutuhele kuapala mukwa omasila; ne ni bulezi kuli wena muuna utuhele buhata, kuzuba; ne ni bulezi kuli mina bakutazi mu sikuluhele kwa Linzwi la Mulimu.” Mwabona se Ni talusa? Yeo ki niti.

Linzwi lani le lisisani li bulela lili, “Ya kona kuba niti.”

<sup>111</sup> Kambe Ne nina ni kutaha sina Nekudema, Ne ni ka lika kufita kwateni. Ne ni ka taha ku Yena, ni kuya kwani kwa lihalaupa kokuñwi, ni kuli, “Mulena Mulimu, ki Na yo, aku ni cince cwale. Unibupe ka siswaniso sa Hao.” Ni kutele kwa Linzwi. Kokuñwi ko mu bona kuli mupila kwa buse bwa Linzwi, mu kutele ku sani, kakuli liwenge litiyezi fo li fokolela. Mi kai ni kai mwa bupilo bwa mina fo mu siile Mulimu ku sili, ku sebeleza sizo, fani kona fokuka lobehela liwenge la mina hakuna taba kamba mutiile cwani kwa lika zeñwi. Muswale kwa lizoho la Mulimu leli sa cinci.

<sup>112</sup> Ha lu lapeleni. Kacenu, hasamulaho wa nako yetelele cwana, Mulena, No bulezi kuli U ka bulela, U kañola milao ya Hao mwa matapa a lipilu. Na hanizibi ze yemi fapila ka. Taba feela inosi ye ni ziba ki kunga Linzwi la Hao ni ku Li hasanya, kaniti Li ka lula mwatasa macwe kokuñwi. Na lapela, Mulimu, kuli U ambole ku mutu yomunyinyani kaufela, mutu yasa ikutwa kaufela, mutu ya supezi, yo kaufela akona kuba yena. Ambola kwa pilu yaka, Mulena. Ambola kwa lipilu za bakutazi ba. Ambola kwa lipilu za bamwa puteho.

<sup>113</sup> Lwa lapela, Ndate, kuli kacenu luka utwa Linzwi la Hao. Mi lwa ziba, sina mone kubezi mwa lizazi la Samuele, pono ya patalaza kinto yesa ipumanelwi, mi neisa bisize batu. Kucwalo ni kacenu. Luna ni litolo ni baloli, luna ni bakutazi ni ba toloki, kono pono ya patalaza yetaha ka Linzwi la Mulena, ni kusikulula. . . Lwa lapela, Ndate yakwa Lihalimu, kuli Linzwi lani lene lihuweleza mwa lihalaupa, “mulukise linzila za Mulena,” kuli lwa lumela Moya o Kenile ufile Linzwi lani hape kacenu, “Mu lu kise ku Taha kwa Mulena!” Mi kamo Li bonahalela kuipitela, kakuli ku na ni manzwi asili amañata abata ku Li kuzisa ni ku Li felisa, kono Ki lelinde ku baba Li utwa. Ni lapela kuli Moya o Kenile upete musebezi mwa lipilu za luna kaufela.

<sup>114</sup> Mi halunze luinamisize litho zaluna cwalo, mi Na sepa lipilu zaluna neli inami: Haiba muziba kuli fokuñwi mukile mwa tokwa ku utwela mwa bupilo bwa mina, muziba Mañolo nyana, kuli muziba kuli yeo ki tuto ya Bibebe kuli hamu

sika zamaelela niyona, kakuli sesiñwi, linzwi la Hollywood li tisize kuli mueze sesiñwi sesi shutana. Sibaka sesiñwi seo mina bakutazi mufumani sibaka sesiñwi mwa Bibebe, yeo luli ki Niti, kono muziba kuli kopano yamina ika mi lelekela kwande hane muka luta Zani, mi muziba kuli ki Niti yetezi. Ku mina batu babanga lika ze fosahalile, mupila bupilo bobu fosahalile. Mina bo ndate ni boma baba sa sikululi bana ba mina, hamu ba hulisi. Mwakona ku lika zende zamina, mi basweli kukena mwa lifasi nihakulicwalo, koo musweli kubeya mitala fa pila bona. Mi haiba hamu ezi cwalo, Linzwi la Mulimu li sweli ku ambola ku mina, “Musike mwa eza cwalo.”

<sup>115</sup> Mi cwale ka kuinamisa toho kaufela ni meto kaufela aitimile, mi he Mulimu wa Lihalimu atalime fafasi mwa pilu ya mutu ya na ni tala mi afumane sibaka sa fosize. Mi ni lizoho lelinanuhile ku Mulimu, muli, “Mulena, kaniti Ni lakaza Linzwi la Hao kuli lizuse kusa lumela kaufela, ni lika kaufela ze sa swani ni Wena, mi uni eze Mo batela kuli nibe,” amu nanule mazoho amina. Hamunze mu . . . Mulena afuyole. Mulimu ami fuyole.

<sup>116</sup> Mi Bibebe iize, Jesu naize, mi hakuna taba ka manzwi asili a kaufela, “Bo mutu ha ka utwa Linzwi la Ka.” Mu latelele Yena, muka ba ni ze mu lakaza.

<sup>117</sup> Mulena, nako isweli ya cibilika. Kono Bibebe ibulezi kuli, “Bona ba balumezi kaufela, ne bakolobelizwe.” Na lapela, Ndate yakwa Lihalimu, kuli mutu kaufela wa bani babane ba nanuzi mazoho abona mwa buipuleli bwa niti, kuli Linzwi la Mulimu leo ba balile, ni kubona kuliba fosize. Na hanisika talima siemba sabona. Ha kina yalukela ku talima, ki Wena yalukela ku talima, Mulena. Wa ziba muhupulo ni maikuto ali kwa mulaho wa lizoho lene linanuhile. Batuhele kuli, kuzwa ka yona hola ye, baikupule mwa lipulu zabona, “Kuzwa ka lizazi le, kuya kwapili, Ni kanga Linzwi la Mulimu ni Muhuwo wa Mulimu, ni ku Li latelela hakuna taba zeka tokwahala.” Mi bazibe mwa mihupulo yabona, habanze baya, yona pina ya muloki, “Kana Jesu ukalwala sifapahano anosi, mi lifasi kaufela lizamaye lilukuluhile? Batili, kuna ni sifapahano sa mutu ni mutu; kuna ni sifapahano sa ka. Mi sifapahano sesinde se Ni ka silwala, kufitela lifu lini lukulula.” Mi he Linzwi la Mulimu labulela, “Ni ka taha mwa kuluka kwa Hae, kakuli Ni latelezi Linzwi la Hae, Muhuwo wa Linzwi la Hae.” Na ba beya ku Wena cwale, Mulena, ka Libizo la Jesu Krete.

<sup>118</sup> Cwale halunze lu inamisize litho zaluna, mina hamunze mufa buipuleli bwa mina ni buitamo. Ni komokile mushimani yomunyinyani yainzi fa, usweli ku pikulusa toho yahae cwalo. Mi kuna ni Linzwi la keleke, “Kina Mulena ya folisa matuku ahao kaufela.” Lani kona Linzwi la mwa keleke. Mi ni mina kaufela baba tokwa kufoliswa, mi mupila bupilo bo buipile kwa Linzwi kaufela la Mulimu kuli muzibe se si lukile, mi mutokwa kuli mufole, Ni bona kuli kambe nemu ka nanula feela mazoho

amina. Mu nanule mazoho amina, “Mulena, Ni bata ku foliswa.” Ku lukile.

<sup>119</sup> Cwale, mu buluke Linzwi leo mwa lipilu za mina, “Kina Mulena ya folisa matuku ahao kaufela.” Muhupule, Linzwi ha li bulelwa, Li na ni kuto ezahala. Jesu naize, Mareka 11:22, “Ha mu ka li kwa lilundu le, ‘Aku shenye,’ mi musa kakanyi mwa pilu yamina, kono mulumela kuli se mu bulezi sika ezahala, mwakona ku ba ni semu bulezi.”

<sup>120</sup> Cwale, mutu ni mutu ka mufuta wa hao cwale, mu inamise litho zamina, mufe buipuleli bwa mina, “Mulena, Na lumela Linzwi la Hao. Ni utwa Linzwi la Hao lini bulelela kuli Uya swana maabani, kacenu, ni kuyakuile.” Ni ka shetumuka mi nibeye mazoho ku mwana yo, kakuli ki yomunyinyani hahulu kuziba se si ezahala, mushimani yomunde yomunyinyani, ya bata ku likana siyemo ni silimo sa Joseph waka yomunyinyani. Mi Ni bata mina kaufela kuli mulapeli, ku lapela, “Mulena, Ni utwa Linzwi la Hao. Na lumela.”

<sup>121</sup> Ndate yakwa Lihalimu, lutisa sicaba se ku Wena kwa foliso ya mibili yabona. Mi, Mulena, kiyo fa mwana yomunyinyani, ubile aisa ngana kuna mwa Liñusa kaufela, ku bona mushemi inza sweli mutu yomunyinyani. Kuya ka sayansi ya milyani, hakuna sepo ni yekana ka mushimani yo. Kuna ni Linzwi la Mulimu le lifeza lika kaufela. Mi sina keleke ye ha ikopani hamoho kueza taelo kaufela yeo Ni ziba mwa ku ezeza, ze siyezi liya ku Wena, Ndate. Niya kushetumuka kuyo beya mazoho ku mwana yani.

<sup>122</sup> Mulimu Ndate, ka Libizo la Jesu Krete, Na nyaza ze. Tuhela mata a Mulimu, yona foliso ya Mulimu . . . Ha kube shutano tuna kuyena mwa mizuzu i ketalizoho ye tatama. Kaufela bona haba tahe ku Mulimu, kwa kanya ya Hao.

<sup>123</sup> Ndate yakwa Lihalimu, No file sepiso. Cwalo kona mo Ni zibela, No file sepiso. Ku petahalile, sina ha kuizwe kuli, “Haiba muka *bulelela* sakuli,” mi Ni bulelela diabulosi kaufela wa butuku kamba manyando ao atamile sicaba se, ao atamile batu ba, moya kaufela wa kusa lumela, Ni bulela kuli, “Zwa mwahala batu, ka Libizo la Jesu Krete!” Cwale, luziba kuli kuñozwi, mi cwale se ku bulezwi, tuhela kuli ku ezahale, kwa likute ni kanya ya Mulimu. Mi ka Libizo la Jesu Krete sa kupiwa.

<sup>124</sup> Cwale, mina baba kona ku lumela, mi mwa lumela, hakuna taba kaze ezahala, musike mwa ba, peu iwezi foo. Sika sesinyinyani seo mwahali ku mina, Linzwi leo. Mushemi wa mwana yo, hakuna taba ka buino bwa mwana mobuinezi, mu lumele kuli peu ya Mulimu iwezi mwa pilu ya mina, nikuli mushimani wa mina ukaba hande? Mina babañwi kaufela mulapeli, yomuñwi ku yomuñwi, kana mwa lumela kuli peu ya Mulimu iwezi mwa pilu ya mina, “butuku bwaka bu felisizwe”? Konakuli tapelo ya tumelo i lapelezwi mina, muikele feela ona

cwalo. Mi haiba Satani aka lika, mu kutele ona kwanu, “Kuyema mwa keleke yani ya Spanish, kala Sunda lani kakusasana, tapelo ya tumelo nei lapelezwi na. Ni Mulimu na sepisize!” Tapelo ya tumelo ika pilisa yakula mi Mulimu uka muzusa. Kulukela kuto ezahala. Kana mwa lumela seo, muli “Amen.” Mulimu ami fuyole. Cwale Ni ka sikululela sebelezo ku Muzwale Rose, Na bona fa, Muzwale Jewel Rose.



*LINZWI LA MULIMU MWA MAZAZI A MAUNGULO A* LOZ63-0120M  
(The Voice Of God In This Last Days)

Liñusa le ka Muzwale William Marrion Branham, neli kutalizwe la Sunda kakusasana, Sope 20, 1963, ili fa Apostolic Church mwa Phoenix, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2015 VGR, ALL RIGHTS RESERVED

**VOICE OF GOD RECORDINGS**  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)